

湖
海
詩
傳

湖海詩傳卷五

青浦王 昶德甫輯

嵇 璜

字尚佐號拙修無錫人雍正八年進士官至文淵閣大學士謚文恭

送女勤之德清

憶別汝母時汝纔繞母膝荏苒悼流年汝年今十七女工學未成詩禮讀粗畢當春賦于歸余懷如有失買舟送汝行風帆毋太疾却感泉下人夜夜夢未悉似憐汝尙幼神魂不能佚父母一身兼未諳愧疏率幸茲夫婿佳和諧冀可必多言固所戒沉靜葆汝質操作職在勤奉養心宜密庶用慰汝親佇卜百年吉登輿汝竟去有語不能出平生丈夫概官爲所

愛汨十載死生情頓牽別離目回棹望吳羌老眼淚已溢

題汪文端公松泉圖

讓谿少師古君子同直後輩羣相師喬松千尺棟梁用源泉
萬斛左右資風度凝遠無涯涘廣平曲江儼在茲名儒名臣
實名世詎止書翰兼文詞是時直廬暇無事榮光煜煜臨堦
墀雲箋捧出御飛白松泉二字蟠蛟螭諸臣讚美更歎羨
懸之賜第彰殊施維公遂取以自號書紳佩德深長思松
風泉韻入妙繪道貌於此位置宜二十年來一彈指蓬山往
迹那可追二泉泉旁聽松石尙冀翩然一遇之

送二兒承豫之滇南

年老難爲別秋高又送行臨風人萬里對酒月三更
有守惟從儉無才更戒盈勉思爲善吏莫負此家聲

英廉

字計六漢軍廂黃旗人雍正十年舉人官至文淵閣大

學士謚文肅有夢堂詩集

蒲褐山房詩話相國初通籍時雅嗜芸州尤敦重與樊榭及吳樸庭倫文符幼
魯曾查蓮坡爲仁爲酬和友詩壇酒社翰墨飛騰雖江左風流不是過也旣而職
長六曹彈心時務或舉舊稿爲言輒遜語謝之益不欲以文人自命矣先是定制
內閣大學士滿漢各二人及于文襄公歿時方爲戶部尙書滿缺上以其祖
籍涿州本馮姓命踐文襄之席蓋暨梅之
用久康聖心故不拘常格卽司台鼎云

晚過古春小築奉訪樊榭

游雲不滿空返景下疏堞佳人隔深巷薄暮引幽涉相逢期
非遙相見意彌愜微風亂燭影涼雨鳴焦葉寂寞共西窗惜
此清淨業

戊子仲秋爲友竹先生題畫卷卽送歸吳門

虎山橋外記維舟曾爲梅花結伴游彈指不期卅載過驚心

才有兩人留

甲子正月鄧尉之游歸情在師張巖岑巖青巖俱下世唯余與友竹在耳

相逢且作無何飲老別

方知分外愁展卷幾回還閣華微茫烟樹似吳洲

方觀承

字宜田號問亭桐城人雍正十一年由監生保舉加中

書銜官至直隸總督加太子少保謚恪敏有問亭集

曹素功執粟齋墨歌

黃山六六峯峯峯產奇松曹阮二水交澄溶天生墨材擅天下
精能孰繼廷珪蹤廷珪去今八百載劒脊龍紋幾丸在元
明妙製亦多人轉眼烟塵隨剗改興朝作者獨數曹輕煤
薄麝萬杵勞水濡不壞點如漆半挺可直千錢刀後賢復能
世其業豹囊珍護青麟背鴻儒鉅公交口譽姓字上徹楓
宸高却憶吾家老于魯九元三極心良苦名高物忌名恩讐

寂莫金壺賸空譜

于魯造九元三極墨自謂前無古人程君房與之競勝遂構餘幾

秦寶鏡吳純鉤神

物化去不可求何如執粟齋中菁英且日出子孫長作松滋
侯老夫意氣雄筆壘興來須遣雙螺待藟甘園譜爲成圖看
潑春濤接雲海

雨後夜坐

雨歇郊園暮窗開野色青歸雲不礙樹淺水亦涵星茶熟兼
花氣詩成託灝靈涼宵秋得似的是度流螢

嘉峪關登籌邊樓作

時乙亥杪冬三日

燉煌西外酒泉東萬里登樓驛盡通望去單于新毳帳牽來
都護舊青驄水分夾谷邊重繞山到陽關勢畧同冷映高旌
移暮色塞雲閒處月如弓

冬夜雨中同劉林一馬湘靈話故鄉風景因成四韻

微風拂拂雨濺濺已到輕寒十月天茗椀頻添新活火

時里門寄到梅

片梅花重檢舊吟箋

客歲詠盆梅詩憶及白門翠微寺綠萼梅障

為隣預結山邊屋

湘幾擬卜居清

涼息老須歸郭外田

林一語金牛洞舊田之美

記取官齋同翦燭數枝殘菊影

猶妍

上都河道中

歌殘勅勒天如蓋路繞灤陽水不回一片黃雲千載淚秋風

吹上李陵臺

淀舟卽事

雨後空明絕點埃篷窗倚對夕陽開遙村暝色收盪去別港

青泥載藕來

行過塘頭復淀頭葦花近屋稻盈篝持螯消得津門酒絕似

江南九月秋

連雨書悶

山妻解事酒常具隣友能來句共參
竹檻荷塘深閉戶未妨梅雨住江南

陳祖范

字見復號亦韓常熟人雍正十一年進士乾隆十六年
保舉經學授司業銜有司業詩文集

乘月過韋蘇州祠

皓魄揚光輝良宵展游眺微吟韋郎詩言尋韋郎廟庭枝倦
昏栖鑪烟歇晨燎此邦幾人臨公名至今劄曰余愧俸錢郡
閤但坐嘯坐嘯政已成來者誰同調精靈苟或存夢寐挹清
妙廟中斷夢多奇驗

袁氏林亭

勝地宜開墅移居遠世情雲端雙澗落雨外一峯晴嵐重迷
寒暑林幽失晦明主人興不淺次第架書棚
信宿已徂暑秋光一醒人倚空山陡健入夜月精神鏡裏乾
坤老霜前樹石新欣偕二三子坐對此清真

周宣猷

字辰遠長沙縣人雍正十一年進士官鹽運使分司有

雪舫詩鈔

蒲褐山房詩話雪舫長沙名族其子弟以文行兼著頗多雪舫任浙中鹽運使官
數載其配爲萬九沙經女故與全謝山厲樊榭諸君皆稱投分詩集四卷得大歷
十子之遺韻促膝下
僚迄今無有知之者

從常山至玉山輿中卽事五十韻

水勢日東流山形緬西盡天險昔王開行役余懷觸太末古
城陰陂陀起平陸蜿蜒出修蛇窈窕屈荒服三浙扁橐鍵八

閩蔽輿輿一徑亘江廣千岩聯楚蜀舳艫不到處牽輓飛隼
速百貨競糜至萬夫紛蟻屬我來值初冬詰旦誠廝僕筭輿
計便安無勞策筇竹老大筋刀衰憑茲勝炙轂垂帷避夕霧
卷幔迎晨旭墟舍散仍聚炊烟斷且續小憇得草坪欹斜幾
椽屋瓦盆野蔬鮮酒埽村酣熟鼯鼠快飲河一飽時已足行
行寒鳥啼樹樹哀猿逐橘看霜後頽茶憶春前綠碯田列縱
橫疲農勞碌疇亦足給饔飧差堪返淳樸重關條屹立百雉
誰興築中有會閣上設城梁危石扼咽喉羣峯鎖腰腹王路久蕩平戍壘
空懸箠聞昨汚蓼區妖鳥滋狂飢潢池已解散渠魁未卽戮
大吏識機宜要隘嚴稽督諒彼狐兔羣疇能工竄伏撫時生
慷慨望古益慚慙惟昔爛柯人仙枰閱幾局啗棗得長年採
藥思辟穀亦有龍邱萇違榮甘抱璞至今行路者猶解指芳

躅我生蓬矢志廿載辭主寶傲骨摧奸頑鑠金遭謗譴頻年
牛馬走萬里無停軸鷄肋詎足惜鷺頂已成禿以茲浩然去
行笈兼程促寒風刮面來凜凜肌生粟黃昏微雨霏泥滑艱
彳亍遙望市肆門如投鄉井宿得窮一日力哀然見懷玉山
爐峯與彭蠡次第入遐矚前途罔愆期旦晚抵家塾雖無金
在橐尙有書盈篋白髮盼游蹤荆釵冷銀燭誓將謀二頃壠
上鞭烏犢優悠可卒歲知止庶免辱遠游不如歸斯言當三
復

葦城訪王澹園明府

一葉蕉窗雨懷人五月秋江湖生遠夢琴筑在高樓促坐翦
殘燭天涯共白頭遙憐吟眺處嶺月不禁愁

葦城訪王澹園明府

復此吳淞路春風短棹餘江寒連海氣潮長入山渠望郭烟
迷戍推篷雨濕書故人官就此聞道有懸魚

南屏觀司馬溫公隸書家人卦磨崖

靈山此呵護贖蹟重璫璣言行名臣錄風雲石壁書懸崖蹲
虎豹下筆掃蟲魚若爲鈎摹去鴻都可得如

下湘先寄鏡亭變軒兩兄湘濤弟

湘中清迴地秋半早涼天岸竹滋微雨江花澹遠烟帆隨峯
影轉月趁櫂歌圓五字吟安穩因風寄雁傳

寄二兄變軒

家計仍相累萍飄尙此身三年違俎豆一夢越關津鹿柴聽
樵斧漁塘倚釣輪迴思雞黍夜風雨對牀人

彭端淑

字樂齋丹稜人雍正十一年進士官廣東肇羅道有白
鶴堂詩文集

蒲褐山房詩話樂齋與弟遵泗以詩古文名蜀中時號二彭其德器從容涵養純粹梁文定公階平允稱之自吏部郎出爲西粵監司未幾歸老余過成都適樂齋主錦江書院談疏之下相得甚驩因出生平所作同其弟之文屬余論定余爲刪存十卷後六年余告假歸家適江安楊君貞來令吾邑見此題任開雅及余還都而楊君被議謫處伊犁此集不知何往矣是時聞樂齋亦下世爲之愴然樂齋詩大抵質實厚重不爲整饬之習者也

由硤石出穀谷

南來歷險阻硤石獨爲最萬古剡不平磊落爭向背二陵鬱
相望風雨時顯晦秦晉昔交戈百萬化土塊設險自天成陝
勢分外內崖傾一徑危其下臨深澗我馬馳以噴跼步出入
礙艱哉蜀道難劍門險尤倍遙遙望前程轉使心如瘁

大士崑

乍望阻行旌前山聳崢嶸道蟠蒼穹數騎自雲出危石千

初懸飛湍百丈溢紆迴仗木欄摧頽勢難必偶然一俯首不
寒體自慄叮嚀語僮僕跋陟戒奔逸防身如履冰兢兢猶恐
失秦棧洵多奇此岩寔無匹驚定復長歌愧乏少陵筆

種蔬

老去復何爲無營亦無欲淡泊性所甘食不假粱肉宅外有
閒園土沃方種藪是時已仲秋天陰常霖霖計日未成旬淖
然出地速毋令野莧侵此輩多潛伏春至應蕃滋採擷佐饌
粥家居瑣務煩勤動在手足身無軒冕榮理生那免俗不見
杜陵翁題詩課僮僕

發宜昌

孤棹發宜昌西歸一水長漸臨三峽地深入五溪鄉臘盡寒
猶壯灘枯險倍常猿聲天半落頭白早如霜

駟馬橋送開制軍之伊犁

制軍名秦

河梁送別欲魂消翹首伊犁萬里遙正是秋風楊葉下一行班馬響蕭蕭

董邦達

字孚存號東山富陽人雍正十一年進士官至禮部尚書謚文恪

題白雲泉圖

白雲一掬陽山隅涓涓滴下青泥珠大瓢挹彼來注此活火可試風前爐泉下架屋山人居林木窈窕羅蕭疎泉甘味冽漱齒頰能令燥吻生津腴真如灌頂飫醍醐又似九醞仙家酤人間點滴不到口而此日飲無時無顧我年來病未蘇那得到此嘗須臾一杯欲乞治相如消渴已捐煩疴除山中煮

泉良非迂情狀身不游姑胥東吳佳處夢與俱展卷爲寫雲
泉圖雲泉之泉誰有諸有客自是山澤臞濯腸洗胃神清虛
得非飲者其仙歟

金德珙

字汝白號檜門仁和人乾隆元年 殿試第一人及第

官至左都御史有檜門詩存

蒲錫山房詩話總憲臨嗜翁故論詩以清新刻削酸寒寒虛爲能于同鄉最愛
錢君坤一督學江西識拔蔣君心餘于諸生中而汪子康古其底也甲戌予入京
師總憲時時招同游宴于一經齋清談終日率以爲常及子南歸又以書薦于前
山東吳運使凌雲其愛才推轂皆此類也總憲歿四十餘年而杭城士大夫講祀
鄉賢時予主講敎文因送其栗主奉
于學宮歸而重復其詩爲之淺點

道源書院贈南安游心水太守

孟後千餘載周子紹微言生知無師授獨臻闢奧全晚得二
程子日月回中天南安雖僻郡司李栖龍鸞大賢過化地飲

水應尋源胡爲過嶺士競慕南華禪修途闕易塞野火撲更
然英哲尙迷方狂騁如風顛太守篤經術仁讓變鷹鷂一綫
扶正學辛勤歷十年郡東峙佳嶺秀色羅雲烟翦除伽藍宇
改作禮義門堂中四栗主俎豆昭吉蠲民懷功德在配以王
伯安典型斯可仰百世興儒頑十室有忠信入里必式焉寧
謂四邑陋不堪與陶甄招徠青衿子費舍數十間擇師具餼
稟琢璞成璵璠我來一登拜俯仰發清妍霽月光風境宛然
落目前君政異俗吏必以德教先邦人如鄒魯君名當不刊

朱子六經圖碑

石刻在上饒縣學

六經之書古尙缺六經之圖古更無聶氏有功著三禮猶惜
六經非全圖誰其緘之六片石刻鏤名物窮錙銖五片宗廟
兩面刻左右辨昭穆明堂類會聯冠裾徐揚雍冀列地軸鳥火虛昴

通天樞國有六職工居一輿輪蓋軫多爲車六律娶妻呂生子鐘磬琴瑟竽笙竽瞭然一一指諸掌不比揣籥談空虛古者左圖而右史形上形下貫精羅箋疏曲折難盡曉了了壁上觀規模不見文翁石室像可證跪坐非跣跣漢氏去古尙未遠辛勤補綴追厥初詎因犧象劉沓說小失便訾北海誣紛紛末學講元眇無根勦襲堪胡盧聖人象數蔑芻狗問及典制徒睢盱一朝紫陽真儒出大含細入該無餘眇然心通作述始置身三代窺唐虞我生識小尙不足敢比豎亥周坤輿畱之昭示千萬世何止聲價同鴻都

桃源

主人耕作客人漁說向先秦恂恍餘好是碧溪紅樹裏不傳數卷未焚書

秦蕙田

字樹峯無錫人乾隆元年 殿試第三人及第官至刑

部尚書謚文恭有味經術詩文類藁

蒲謁山房詩話文恭尊甫繼生先生頌賢且久文恭既入翰林卽請以官贖父罪
掌 恩得釋故時與桐城方公宜田稱二李蓋以宜田每于秋日省其父子寒
外戊所故也生平草心經術尤熟禮經因仿徐健菴尚書讀禮通考爲五禮通
考二百餘卷竊自來諸儒聚訟之說爲之疏通解駁又附以歷朝史志使後來者
折衷損益可以坐言而起行其有功于經義良不尠也文恭博學多聞窮經之外
凡河渠律歷下至醫方數術靡不通晰故梁文莊公云樹峯如鷹隼橫空飛而食
肉又口若懸河辨才無碍其爲同曹畏服如此乾隆辛未 詔舉經學特以爲
湖廣之官令大臣集議論至常熟陳進士祖范或以其所作筆錄少之文恭奮袂
曰若不得陳某則此舉爲無光衆驚問故曰癸丑陳某成進士因謁蔣文肅公于
邸舍文肅以好語慰之謂子有盛名今登甲榜而我又在朝今歲大魁非君誰屬
陳某默然不應頃之趨出語其僕曰速辦裝南下無令他日以我爲依問權門遂
不與 殿試風節若此豈可遺之 奏上遂與山西梁錫璜高吳鼎皆 賜
司業棟高無錫人鼎金匱人亦佐文恭纂五禮考者文恭常招子寓味經齋數月子
病爲按脉定方故得備聞其事後鐫刻五禮通考方公已爲直隸總督與清河道
宋宗元共
出貨刻之

題張葑齋少宗伯觀獲讀書圖

淳風浹朝野藹然覩唐虞緬維文端公相業韓范徒風雲構

神契篇什達宸居

宸居

至尊親洒翰奕世畱璫璜

抗稽年製
樂子燕世世

書文瑞句

聖祖親書

吾師粹家學植德侔醇儒和鳴振高岡

奉璋曳華裾寅清播文教九載臨東吳孝秀奮阡陌絃歌徧

鄉閭君親兩酬荅深心託茲圖我我龍眠峯渺渺雙溪廬山

氣合晨夕水容湛清虛隴歌起中宵書聲與之俱物我愜所

願此樂誰能如以茲悟公意豈伊戀菰蒲人生有定分農業

及經畝四體誠各勤外物焉得渝當今明良會富教均涵濡

昇平繪真景六合應無殊

冬夜有懷和天鈞上人

暮雲歸遠樹夕陽在西嶺招提寂無人徙倚息孤影空山響
天籟嚴霜襲衣冷皓魄澹禪心京宵知漏永嗟余履屯難壯

志邈難騁反側聽蛩吟熒熒一燈靜清巖山中來助我發深
省起坐調鳴琴幽懷徒耿耿

荅復初先生見寄之作

六籍聖所貽紹述賴百氏紀綱天地人厥功焉可紀精言與
大義歷歷瞭如指性功達治術出處均一軌胡爲後世士觸
目驚且多如構九層臺版築傾基址又如舟失舵簸蕩風波
裏禮器及車服誰復求形似吾邑有顧翁復古氣雄偉窮年
抱遺經含咀吸真髓脫身塵壒外清曠莫與比擁書萬卷樓
尋原必迄委初年學古文下筆輒光煒尙論愛司馬年譜究
終始先生會著
溫公年譜神交若投契覲而相應唯詎止傳賢蹤裨補先
正史三禮圖宮室古意追釋米穿穴暨春秋三傳列硯几創
成大事表務台筆削旨書成忽十稔作歌告諸子謂蒙守朴

學謬與談名理款款尺素書殷勤附赤鯉軒明窗雙眸不啻
脫痼痕所恨久離索末由竟株柢先生名山業塵垢視青紫
高風式鄉閭立志起頑鄙嗟予日荒落勾蠹難測海持示蔡
與吳入手先色喜何當返柴荆百尺容攀倚

燕子磯

策杖陟層巔凌虛望遠天江山自終古亭榭幾經年帆影懸
殘照漁謠入暮烟長吟舒逸興風月任無邊

秋齋雜詠

夙有東臯約春畦十畝閒牕開泉上樹門對雨中山好鳥亦
知靜孤雲時就閑何當守寂寞長掩舊柴關

蔡新

字次明號葛山漳浦人乾隆元年進士官至東閣大學

士 賜告歸加太子太師卒謚文

題汪文端公松泉圖

種樹添新蔭先當培其根
疏泉資灌溉先當裕其源
少師勤學殖呈材依禁垣
汲深藉脩綆下筆文淵翻
承明自獻納公望羣所尊
御賜飛白書中有至道存
松貞泉比潔寶之重璵璠
贊皇平泉記溫公獨樂園
何如此清華天語含春溫
憶我追陪日直舍鄰高軒
文漪頻挹注美植長滋繁
披圖感今昔遺韻猶堪詢
旣以惠來學復此垂後昆
始知餘慶在世業皆君恩

題古中盤五松圖

昔聞畢宏韋偃畫古松
振筆長風浩呼洵如何
此卷僅矮幅而多天矯騰
蹕之蟠龍鱗爪攫拏勢莫
止濤聲在耳雲盪胸

傳哉萬松老居士筆端具有造化工此圖何處得畫本傳自
古云盤谷之中峯侍從宸游多燕暇相對勝友此扶筇濡
毫拂素標異狀貌得盤山古幹真形容最髣髴後彫質沐日浴
月幾春冬太平之世豈獨民仁壽草木亦含雨露濃君不見
泰山上有五大夫風烟剝落摧秦封如此蒼髯礪魄突兀自
千古得非福地神秀鍾松兮松兮安能布襪青鞋盤桓於爾
側髣髴乎桂父木客之高蹤

劉綸

字晉涵號繩菴武進人乾隆元年召試博學鴻詞第
一授編修官至文淵閣大學士加太子太保謚文定有
繩菴內外集

蒲陽山房詩話文定謙和恭謹尤以清修自厲少在尹文端公幕府得其指授繼
以鴻博第一入翰林汪文端公愛其才兼重其度晚年尤與劉文正公相得和而

不流無所附麗代言應制皆爲一時之冠子嘗以要事繕奏稿夜半詣公門請閱公起燃燭操筆點定時仲冬寒甚公呼三公子爲具酒脯而厨傳已空僅有白棗十餘枚以侑酒公亦自嘆其儉陋爲可哂也

白菜

北里初寒候佳蔬入饌鮮千畦風露足一飽士農便絕勝金齏味疑參玉版禪漢陰人笑我廢圃剩吳天

寫心精舍

恭和聖製元韻

仙源勝處隔塵音曲磴懸梯迴出林金粟花香真諦現玉池月印葆光沉能馴最是靈臺鹿解舞都爲閬苑禽常境拈參無盡藏仰憑天藻會天心

西郊晚行

亂蟬聲歇趁新涼路轉神臯草樹香卻羨村翁豆棚坐笑看秋稼比人長

雨澗條條寒玉鳴風荷葉葉露珠傾宵來欲借高僧榻聽促
蝦蟆續五更

諸錦

字襲七號艸廬秀水人雍正二年進士改庶吉士散館
降教授乾隆元年復以博學鴻詞徵授檢討官至左春
坊左贊善有絳趺閣集

蒲鶴山房詩話絳趺閣集受後門人剛定鄭鐵尺江以爲陷羅門臂扶椅脊微陸
陸堂率勳以爲言近旨遠根抵深而英華自茂皆定論也余甲戌春入都請予相
見每日苦告一紙茶魚品飯談經史危坐相對必至日下容而後許返先生出
臨川李公模堂門下生平博聞強識詩法山谷后山而志節嶸然甘寂寞守耿介
權貴之門微進之地未嘗一至
蘇古之聞人而世之瞻人也

論畫贈吳叟威中

繪事有幾輩此道嗟沉淪昔聞廣川語游藝兼依仁隱或在
岩穴顯或在搢紳大約非俗工流傳盡文人匪直妙形似亦

以寫性真精神到寂寞乃始下筆親青崖雙髻皤結茅秋水
濱解組歸去來免踏京華塵雲山米漫士評斷張愛賓偶焉
騁墨戲著手都成春有時雙管下有時五指皴折枝含露暈
纖羽帖花茵畫意亦畫似師古不師新翻嫌徹廟時苑匠少
軼倫古來負絕藝坎壈纏其身空使倚市門擲掄老斲輪良
工每手縮識者徒眉顰不見曹將軍頭白傷賤貧

牧牛畫卷

畫牛韓滉戴嵩最後來張符亦擅長是皆一匹萬緡直風流
埽迹餘芬芳此圖誰所作年久脫名氏牯犝犒犒輸數牯并
十四牧童不勝肱翹足樹陰睡原田農丈人何處負耒至對
此身在桃林中白烟紅雨空繫鬆亦復神馳渤海外催耕勸
牧脫佩帶江南草長禾油油見月不喘吳耕牛忽憶宅邊烟

雨足沙汀試借一葉舟飽飯冬菁戴短笠耕糞盡日夫何求

桂林黨籍碑拓本

道君皇帝嗣位初黑白氣挾西方俱流傳天變不足畏又見
機槍紛掃除乃知奸諛竊國枋恣以鈎黨相吞屠其先立石
端禮門未幾播惡及海隅碑高三丈濶一丈凍水以下無完
膚歿者奪官兼毀像存者中朝不得立斯須禮至作銘有遺
臭李斯刻石尤矯誣彼猶可恕稔已惡京也剪此朝士胡爲
乎想其顯書深刻時意欲獨出無古初海桑陵谷不能蝕蟲
沙猿鶴不可追睢盱噉嚼無顧忌自謂快意真訐謨嗚呼天
地有正氣華袞却假一字誅剝之上九存剝果焉有君子反
剝廬三百九人更作傳子孫恩例遞上書宵人私恨徒區區
苦何氣銳今何愚勾芒忽聞前殿泣強敵連騎東都驅上皇

蒙塵紹興渡此石未泐國已墟猶存一本桂林拓以爲殷鑒
非黃圖前者甘陵南北部後者東林復社徒邪曲害公亦如
此古來反覆何所無古來反覆何所無不見鹿可爲馬脯可
蒲

天竺三生石

疎竹雨添翠遠峯秋更青來尋石門礪未識香林亭白日午
不到清齋人獨醒葛洪有丹井乞取問修齡

東鄭叟

行人司雨
隨公之子

日糴五升米年侵雙鬢絲阿誰羊舌泣依舊虎頭癡
擣散難爲斲風塵枉用緇練裙寒色苦惆悵綠窗詞

叟所
著

七夕

涼露微微滴明河黯黯收林端初繞鵲客夜詠牽牛戎馬猶

邊地關梁凝遠愁清暉千里月忍照曝衣樓

十三夜月

蒼壁圓猶橢高秋恰近中微雲無點綴清露竟流空揚柳藏
鴉起蕪葭宿鷺同隔船誰撫瑟清怨出簾櫳

杭世駿

字大宗號荃浦仁和人雍正二年舉人乾隆元年 召

試博學鴻詞授編修有道古堂集

蒲褐山房詩話荃浦先生書羅百城胸羅四庫入翰林未久卽以言事罷歸沈文
忠公送之有句云曉翁既雨談藁新婦初婚讀亂炊豔深惜之也既歸益肆力
于詩古文詞海涵地負日光玉潔實足以雄長藝林兩浙文人自黃梨洲先生後
全謝山庶常及先生而已乾陸丁丑秋予至西泠相見共論古今文章流別謂予
曰子無輕視故翁詩文至此亦足名家其冲懷樂善迥異乎世之放言高論者矣
先生有子子目第八子賓仁外餘皆下世諸孫亦零落殆盡其道古堂集梁山舟
侍講刻之生平著述甚夥
今付剞劂者未及其半

秋日集鳳鳴菴

精廬繚山根雜樹青不斷微風透締輕初日出林緩閒閒素
侶偕戀此涼蔭滿熏心借佛香礪齒汨澄潭卽事唯永懷率
爾役青管石貌非世嫌竹意同我嬾不期釋褊心竟以霍微
疴起行弄清陰寫望入幽散

晚秋游蓮居報國兩招提

秋深澹疑夕幽興任所選野色迹鳥飛翠影逐人轉綠谿徑
石橋散策入僧院出林清磬圓到水涼雲變洗鉢魚不驚坐
樹葉屢顫不辭竹風吹時得花雨灑了知佛香清矧戀鄉土
善視蔭惜遽歸境過意頻眷

越秀山懷古

峩峩越秀山千古閱興替臺陸夷夏交月表秦楚際緬維老
天阨荆棘此翦薶中原方逐虎兵甲惜勞弊從容得闢疆屈

疆遂稱帝帶海爲維藩
卑山作屏蔽不知漢廣大
頗恃兵鋒銳卓犖陸大夫
一語豁蒙瞶稱臣請內屬
蹶起解椎髻朝臺壓閩闔
奕世永帶礪牝晨誤遠圖
煽處乏調劑戈船下牂牁
一往失重閉險設戮可乘
時衰力能制始知開國人
貶損有深計清朝息金革
曠宇喜開霽秋風吹餘花
孤客恣幽憇日落樹盤鴉
潮來城上蠓江天兩蒼茫
俯仰供流涕岩峩腐史筆
憑弔落荒裔

會宿素舫齋作

苦雨漫林屋向晚勢尙乘
希聞檐溜縮時見新點增
嚴城急魚鑰猛蛟力不能
飲下聽雨牀兼試照字鐙
深杯且重把僻事請再徵
縱橫算文楸爛漫天剝藤
微吟共擁鼻短睡暫曲肱
瘦影儼翹驚靜退如枯僧
竒夜性所耽習語戒力懲
淒風

攪松竹併作清響磨起視江上峯澹澹沒翠棱初地罕津逮
綬縛雙行滕

張高要

甄陶遣送嘉魚

鄙夫無他營專意事口腹家居江湖間浩淼富水族湖鰕鱸
比絲江鱖肥勝肉其餘鰌鱗鯉瑣猥不足錄策杖來南中譬
奕已換局炎荒闕冰雪地氣少涵蓄百錢謀盤餐無一可饜
屬非無薑桂芼不免腥腐啄廢箸長忍飢嗔責到僮僕坐是
兩頤瘦經歲不能復端州有嘉魚性不受淤濁噉嚼石室底
游泳蒼山麓陟冬始上浮千百自相逐漁子伏殺機網罟恣
撈漉蒼梧見未曾丙穴耳已熟豈若此地佳泮塘能盡浴張
侯我同隊蓬池偶失足知我彈鋏歌清響出蒨屋牽船帶荇
藻遠寄一溪綠撥刺頰尾長斑駁錦鱗簇笑鱸口空巨陋編

頂常縮饒叔忍不禁亟令翠釜沃堆盤出芳鮮飽飲豈非福
終餐默自維俊味恐難續諸生頭角鰲程孰聚筍束妙義如
吞鉤活脫不可捉釣深思嘉魚善譬本山谷山谷次韻宛仲考進士
試卷詩釣深思嘉魚攻
良玉情事適相叶會心吾豈獨緘詩報良友爛漫遂滿幅卧
想魚食人笑齒粲啟玉

汎舟至游魚洲訪羅秀才精舍同過海幢寺尋本無上人

我友冰雪姿寂寥抱冬心亦有三黎生共鼓風中琴精舍八
九椽花藥羅堂襟襟以六枳籬劣許藤蘿侵向南拓水窗釣
竹橫江潯突出捎雲枝濃綠招棲禽從容申襟契先後相窺
臨齋鐘起隣梵命策同幽尋

幽尋到山寺邪徑綠江口參差春浮陰飛墮不容帶枯僧折

幔幢樹底一招手佛屋可滌煩禪喜詎嫌久茶聲續寒吟晷
影側疏牖循廊玩苔碑坐樹接林叟靈禽非生客馴鹿亦舊
友揮手辭香林濕翠猶在肘

次江蘭

晚晴步浴鵲灣至花家山放舟歸南屏

泛泛仙客舟歷歷南山樹渚晚欲生波烟輕已紆路觀荷引
勝情直破鏡光渡丹房醋落日翠萼晦昏霧想見高興時豪
吟驚宿鷺收歸素幘中尙有無聲句川觀不克偕雲思曷由
吐披卷一忻然洽我滄洲趣

小西別館追送程舍人

晉芳

用昌黎會合聯句韻

簪毫紫禁嚴

宣詔丹地重

世駿

誰歟冠文豪入選奮才勇

黃裕

高鶩歎力沉翹望益神

巖閣

摩空賦筆瓊翻水詩思涌

陳臯

疾

如馬脫銜浩若川決壅

沙維

遠齊嚴徐肩近接顏陸踵

張科

四

橫翔類排山獨出嚴斷壑

江

光連星河搖氣鬱虎豹恐

程名

握瑜炫席珍含穎挺嘉種

世

東門飲餞多北地鈴馱冗

裕乘

風想揚鑣過家當上冢

華

雞壇別舊知鳳閣拜新寵

阜

驂闐

候館闕旌拂驛樓棋

維

衡寒馬毛緇裹雪僕心恻

四

雙喉隻

喉迎十漿五漿奉

炎

封崖冰嵯峨撐郭樹臃腫

名

閩市驚乍

穿短簪喜初擁

世

岱色翠忽交燕雲晴可捧

裕

曉瞥盤空鷹

夜咽踈寒葢

華

美狀壯游遨胡然惜微燼

阜

心儀王道平目

極

帝闕鞏

維

殊恩故特達當職敢傷解

四

陳謨追虞

唐銜憲展虔棟

炎

革帶玉螭盤黼奕青兕茸

名

丹穴耀九苞

華省豔雙琪

世

朝制尊鼎槐

星輿擴秦隴

裕

德至銀

羹出瑞應玉膏落

華

賜復述耆耄肆省破孿拳

阜

謀謨參廟

堂變理佐宰家

維

羽排霄清緒繭抽蛹

四

居中體易崇

近日價增踊

炎

雄飛鳶戾天卑伏燕斂翮

名世

君行慎樞筦趨

直準宮前

駿

我其內熱歟門險夜呼洵

裕

聖與圖爲沈鏞作

魯雩門外壇崔巍參覃濯木大十圍龜山左顧帶沂水差差
綠漲初生肥聖門狂點見大意童冠六七相因依餘寒乍減
試白袷雜花亂逐羣鶯飛上已祓除本國俗此老胸次何祥
襪解衣就水盤薄羸那得遽免同川譏臨深況有辱親懼教
猱母乃行人誹魯論古本踵訛誤小儒咋舌徒依違昌黎解
經出巨手奮筆直改沿乎沂此義皎如掇雲霧紛紜曲說皆
當揮沈郎觀書鄙章句志在擺脫塵中鞅謹謝冠者挈童子
意取活潑流天機紅鷺拍拍戲菡岸青芽短短抽蘆碕游絲
颺空如繫日暖風度水旋吹衣眼前生意收不盡好事往往

傳郊扉從游一問子所善樊遲而後三人稀涵濡聖涯更得
汝上與狂者爭幾希城南暮景騎將入無雲在縣城南七里濯濯皎月流
金徽三章試咏舒天紹攜幼緩緩循隄歸

南漢金塗鐵埵歌

香刹崢泓花雨歇秋蘩匝地涼珠結華幢七級門莊嚴突兀
東西破空立棱尖萼萼刺天閭蕉葉盤盤卷雌蜺是誰甬此
鎮山門儼似巍峩雙闕揭我來開梵訶子林衣上濃陰清可
擷脩廊走徧寶坊開振眼香雲驚一瞥青苔繡蝕九蓮花勁
骨橫撐孤竹節層層烟蓋透瓏玲獵獵風輪轉替戾細尋銘
字瘦蛟蟠淨剔霜花釵股折僞號公稱大寶年傳家不改驕
淫轍矯首江天三太息往事茫茫更稱說昌華苑裏月如霜
歌舞岡頭花似血髡徒噓觥竊國鈞重涿矚天汚朝列塗金

定徵三品貢鑄錯空糜六州鐵君不見天險頻爲荒宴移地
脉潛教媚川洩又不見沈祠枉殺邵廷珪賀江晚起潘崇徹
雙女山前戰艦空流出降帆水鳴咽江南眼見死牽機西蜀
同時亦灰滅亡王獨爾保天年佛力居然佑顛蹶尋僧弔古
起羈愁漸漸西烏澹將沒摩挲千過飽興亡歸到虛堂轉騷
屑

題魏司馬

緒課兒圖

吾聞漢有鄧仲華勲高望重願不奢子十三人人一執後乃
各自名其家又聞晉有劉長盛教子紛綸經史並蔚然門內
七業興北州學者莫與京魏侯攬轡來黔中諸郎玉雪驕春
風佳者龍鳳劣虎豹頭角嶄露牙須雄侯今施政政已通訟
庭長草青丰茸晚荷初放常自教短檠噓燄燒青空此樂於

今幾人見寫入圖中洵堪羨不將蠟鳳滴圓珠共向銅槃誇
異饌青箱素業世爭傳鉞鏤門風原不賤清時養就凌雲姿
豈患雄文少人薦我聳於世百不聞愛就阿戎談夜分投床
隔屋支枕聽琅琅送響清入雲長公名聲如蘭芬次公意氣
更不羣橫經奪得戟憑席弄筆書破羊欣裙盤空硬語輒敢
和跋扈真足張吾軍杜言紈綉不餓死蘇言識字憂患始斯
皆過激非至言吾所斷章不在此請標二事舉似君符讀城
南陶責子

夜入羚羊寺

羚羊峽束初上潮斷岸千尺葢青茅衝波卷浪擲柔櫓舟師
怖恐龜魚驕松間忽出堠火照始識蟻路綠秋毫登登輕策
屨臂上蘚磴屈折藤蘿捎榕陰黯黯穩栖鳥石骨逋峭愁飛

綠野僧披榛起肅客纖塵不動鳴蒲牢潮音傑閣亘天半香
雲縷縷盤空劫側窗透空望江影似有寶月空中招天風擺
磨振仙梵飄墮木杪驚鳥巢吾聞仙人顏李蕭伸臂運筆一
丈高見范石湖詩註英山古寺昔題壁靈迹已邈難追鈔茲宇崢嶸夾
山立佛力猛鎮千年蛟一重沙界一重獻腹背交壓菩提梢
攬天峭壁闕雲篆浩劫期我騰神尻埽空試鐫三百字畱與
好事懸椎鼓脩羅降雨助墨海餘潤立灑湖田礪江深夜黑
一揮手燭龍銜曜應相邀

明嘉靖中端州守曾直建八節祠於北門外以祀唐
張柬之李紳朱劉摯鄒浩胡寅胡銓畱正張世傑而
魏元忠以亢直貶高要尉獨不得與余以春日肅拜
祠下心獨異之作歌簡吳太守

繩年
劉高要爲鴻

君不見魏元忠布衣上書論兵事金殿吐氣如長虹鐵冠
義肅綱紀豪奴杖殺都亭中除惡志在清君側白簡豈顧張
昌宗羣邪側目謠詠起卑官謫墮炎荒中洞夷畏威噤不發
至今崖厓流清風吁嗟高要一隅地貶官往往王侯充革承
慶輩不足錄如公豈合隨沙蟲我來端水恣臨眺步履晚出
高城東倨倨崇祠壓道左大樹突兀寒烟空入門肅拜認栗
主八賢名姓昭愚蒙唐景龍逮宋迄命大節歷歷摩蒼穹茫
茫官跡證人代屈指獨少齊貞公元忠封齊國公諡貞去畱豈復有深意
討覈那不謀羣衷笙鏞啞堙芹藻闕閔二百載無人攻自來
守土責匪細社稷尸祝宜甄綜漢陽王傅志失載高要志下與
載張柬之與
公乏祀將毋同旅窗作歌寄牧尹會看闕憾能彌縫豐祠從
此標九節亘千百世垂無窮

湖海詩傳卷五

三

連日飲止山堂梅花下簡盛上舍

世揚

短卷晴莎輒嘉招步屨頻梅畱殘歲夢酒泥蚤春人素壁廻
鏡艷枯碁算劫新耳邊鄉語熟客裏倍情親
好客應須酒看花可少詩清吟君最擅爛醉我何辭冷蕊時
窺座飛禽忽踏枝眼前生意足不用慰衰遲

題獨漉先生遺像

南村晉處士汐社宋遺民湖海歸來客乾坤定後身竹堂吟
暮雨山鬼哭蕭晨莫向厓門去霜風政撲人
秋井苔花漬荒廬蜃氣蒸飛潛兩難問憂患况相仍拄策非
關老裁衣祇學僧淒涼懷古意豈是屈梁能
巢覆仍完卵皇天本至公蓼莪篇久廢薇蕨採應空劫已歸
龍漢家猶祭鬼雄等身遺著在泉下告而翁

謝錫大將軍惠黃精

返黑思黃獨羅浮產最良
斷來鴉嘴賦馱送馬蹄香
靈液蒸丹竈山苗曬石梁

羅浮有萬洪門竈二山想接處有石如梁曰鐵橋

方言聽漸熟知是野仙

薑

鄭氏休園二首

巷逐城陰轉人傳谷口居
入門三徑曲過嶺一亭虛
捉麈鷗邊席行厨竹裏廬
不知尋鹿若裴廸近何如

蘚壁青蘿繡苔楹老樹撐穿花
莎徑窄照影古潭清
高卧茶喧枕微吟鳥縱聲
卽看仙跡杳猶剩石棋枰

贛州傷王總戎

詞

卽題其浩氣集後

章江東望巖橋烏太息元戎
此寄孥兒說票姚工勦鞠豈知
征虜善投壺蠻荒笳鼓開詩壘
瘴海風雲入陣圖萬里一棺

歸未得尙容徐孺莫生芻

秋日獨上五層樓望海

千級層梯宛轉過浮雲棲棟下承阿樓船瀨水思楊僕黃屋
蠻荒笑尉陀蜃氣三春侵畫堞騶夷百戰息礪戈茫茫漲海
東南去極目天涯涕淚多

九日曹孝廉

達

招游光孝寺喜遇羅秀才

元煥

相期九日散清愁共向城西古寺游樹葉翠含梁代雨井波
涼汲海門秋吟邊剩韻邀羅袞劫外零縑見貫休卅載津梁
慙卧佛又隨紅葉上經樓

貫休畫應真羅漢一幅尚
存寺中經樓上有銅卧佛

齋厨曲傍翠琅玕燂煮松花恣意餐識字耕田慚兩負打鐘
掃地喜粗安池光透日搖丹壁草色乘秋上古壇俯仰便生
身世感山僧只作勝游看

拱北樓

蕩蕩雙門勢鬱盤危樓直北拱長安
蓮花轉漏銅龍咽雲葉棲簷鐵
鳳寒萬里行來初放眼九秋悲後
獨憑欄珠明氣象層層迴可許孤
臣綵筆干

得閩中諸故人書却寄

鄉心長在雁歸前回首生涯意黯
然奉使自慚非陸賈傳經差喜得
彭宣浮江客去剛三月謂吳雅吳雅贈
過嶺書來動隔年坐待深更僧磬
寂不堪依舊抱愁眠

哭厲徵君鶴

復衣升屋叫荒祠掌夢無憑祇益
悲服散幾年疎酒伴分香先日放
歌姬契丹已定傳疑史天水空鐫
本事詩泉路定應尋月上斷風零
雨說相思

君著述史拾遺期與余換金史補闕宋詩紀事百卷已刊行月上其亡姬也

年年蹤跡滯揚州
雨點金焦健筆收
翠壁分題香界暗
玉山高會草堂秋
韓江烟月魂應戀
石友情懷老更愁
謂馬曰
瑄曰路他日
來尋舊吟榻
不堪腸斷竹西游

集素舫齋詠春陰

如船矮屋入新年
雨後偏慳曉日鮮
芳草客尋行藥地
輕陰人住養花天
檀欒翠竹清收影
澹澗荒池冷掃烟
山鳥錯疑巖谷暝
飛來長繞石牀偏

秋日南屏僧舍茗讌

藤刺鉤衣石有棱
旋螺山路記來曾
貪涼客喜因秋健
無礙天真似水澄
竹裏煮茶清響發
樹頭安榻午風增
孤懷欲寄東林社
不見虛堂覓句僧

前謝公
在桐鄉

紅橋雨夜

小雨微微未肯晴漫游且共放船行望中撥櫂春泥滑醉後
推窗夜氣清玉鏡雲蘿華月影畫橋風度豔歌聲珠鉞照水
參差晃晃莫使閒鷗夢易驚

悅枝堂坐雨

爲戀清歡未肯歸棋完剛值雨微微儘牽孤客偷閒坐別約
殘花恣意飛似醉心情仍命酒作寒天氣欲更衣青鞵不惜
衝泥滑傍郭人家早掩扉

秋集徐

本清學圃

桐陰不雨也生涼藥草因風自送香弄水與鷗分野席看山
聞客坐茆堂舉杯已約月同飲得句且邀秋共商幾折危闌
天半倚葛巾吾欲傲斜陽

咏木綿花

目極牂牁水亂流低枝踈地入端州最憐三月東風急一路
吹紅上驛樓

過文明門見木綿花再賦一絕

只和柳絮撲雕闌不共蘆花漲碧灘可惜向春零落盡西風
依舊客衣單

湖海詩傳卷六

青浦王 昶德甫輯

陳兆崙

字星齋號句山錢塘人雍正八年進士乾隆元年召

試博學鴻詞授檢討官至通政使

蒲褐山房詩話星齋先生成進士後重入宏詞游登卿寺侍直上書房兼尹京兆而意致蕭散寢處輒有山齋間儀書法蘭亭取意簡逸梁侍講同書云本朝不以書名而書必傳者陳文簡公元龍及先生也余得其手蹟頗多適演後皆失之王貞修西湖志於杭州因索先生遺詩而令子同知王敦探閱不肯出及其孫桂生來京師始以全集見示并乞序言因而甄錄如左

春正四日謝孝廉徵雲招飲一枝山房

亞字城南烏石西市塵不到稱幽棲一聲山大穿雲吠幾處
林鳩帶雨啼掃葉煮泉丹井暖就花移琰石牀低平生賸有
春襟在纔入新年醉似泥

湖海詩傳卷六

臘底病中有述

聲聲巷柝報三更，欹枕無眠對短檠。
技到鳴驢真可笑，心關鬥蟻動成驚。
中年斷欲衰偏早，瘦骨支寒痛漸生。
已自低頭攻七發，其如歲事劇崢嶸。

二月二十日同孫二端人夏十二醴谷宿海澱隱師

房

師號隱扉僕與交久矣頃來
早治初辨色耳故翰林官侍班多借宿於此

一聲孤磬散林陰，好月當窗照素心。
手版恰堪量丈室，頭毛渾不稱華簪。
中春漏促眠須早，老伴情多話轉深。
幸得締緣歡喜相，鎮容塵轍此相尋。

蒙

恩賜鹿肉恭紀

一轡分霜獵騎還，霜毛猶帶染輪斑。
州浮豐草長林外，味在松花柏子間。
作羹送杯憐僕倦，下鹽爲脯笑余慙。
平生頗切

庭懸愧須認

君恩異等閒

將回至熱河公寓途中登南天門韻屬景垣和

萬曲東流湧玦環輪囷佳氣近堪攀未成清暑宮中頌

前一月餘侍

皇子讀書於

行宮東

禁以殘暑異國期故也忽自長楊獵後還地有含靈先潤戶

潤戶用天官書語意

雲將入塞半遮山今宵合刻題詩燭屋底安眠慢啓關

題邵戒山先生朝參遺像

先生諱遠平康熙甲辰進士入鴻詞科累官少詹事

坐殘宮漏整冠裳脈脈書思踏曉霜未許家人窺藥草

藥草見班彪傳

肯令隸役探緇囊運逢昇泰忠逾篤世閱艱難慮較長借問

椒馨滿楸社幾人留得簡編香

沈廷芳

字晚叔號椒園仁和人乾隆元年召試博學鴻詞授

編修官至山東按察使有隱拙齋集

蕭謁山房詩話椒園風流儒雅詩筆亦同書法在蘭亭丙舍間乾隆戊寅子入都
遇子臨清同行者經月青篋盡舫書數現格藏壁不榮望而疑爲魏晉間人也爲
泉使府嘗欲以湯文正公試崇
祀兩廡事雖不行士論羅之

題商秀才紫芝剡谿秋泛圖

騷人泛剡曲爲愛名山多谿光動古壁秋色明烟蘿時有清
香來遠渚留殘荷菰蘆雜蘋蓼奕奕揚微波中流自容與曲
折隨扁舫昔游每入夢塵境浮青螺况讀吾友畫恍若重經
過雅懷將無同歲月空蹉跎溪山不負客歸計當如何

登泰山歌

五岳巨鎮推岱宗挿天萬仞青芙蓉盪空層雲浩如海夜半
日躍扶桑紅初經迴馬嶺路轉山腹行虛空旋過水簾洞倒
懸雪練噴長風石磴盤盤歷盡十八曲始覺捫參攬井呼吸
上與天關通左招碧霞君右叩青帝宮羽衣金籥飄飄半空

下邀我游戲秦吳兩觀東西峯其間秦松漢柏雷雨已摧朽
焉辨七十二代玉簡金泥封機身絕頂高攀雲松磨崖剔古
篆剝蝕如爛銅獨有無字碑屹立寒雲中我欲大書補其闕
恐驚山鬼驅蚪龍還尋祖龍避雨地更訪天寶盤游蹤祈天
符命理無據矧以縱欲希神功粵稽重華事柴望肆覲羣后
昭協同周王時邁陟喬嶽明堂敷對來球其東巡自古有典
禮詎尙封山刻石誇豪雄吾聞泰山之雲膚寸合氣氤絪歟
彌蒼穹化爲霖雨澤萬國神靈酬秩宜三公默贊我 后效
變理永禳旱潦銷兵戎和平作頌觀神聽多稔多黍歌年豐

彈子渦

海天插水石如笏忽肖怒濤勢鬱勃留在波間山作骨中有
通水磴磴雙巨彈子相磨汨祖龍欲鞭鞭不得生此莫計

萬歲月頃乘長風駕雲帆攀援登岸凌巉巖俯視窈深宛在
械試嘗水味仍作戲若遺龍卵質不凡移置隔宿劍台函子石移置他所者
焉猶仍歸湖內坡仙頻訪忘暫暑愛之不異航香饒余亦癡興
弗可芟匹聆廣樂逢韻咸品題奚止玉與城歸躡石頂勝野
麋湖平一色春蕉衫

次韻答樊榭見寄

市歲相思碧海遙先生南返我辭朝夢回梁月閒雞唱香
滿湖花發藕條貧裏預籌遊岳屐老來縱筆賦江湖耦耕行
踐秋蕤約無盡意齋吟沈寥

立秋夕同中林履旋小飲隱拙齋

早見銀河角影斜西風先到小庭花涼生荷芰野人服秋滿
竹林居士家團扇欲拋留篋衍短檠初上對窗紗題詩莫感

流光速明月當頭酒可賒

夏之蓉

字芙裳號醴谷高郵人乾隆元年 召試博學鴻詞授

檢討

過十八灘

自我來西江連宵黯風雨旋渦濺急瀑孤夢破柔櫓舊傳十八灘迅疾甚飛羽其上排雲霓其下蟠水府三曲奔雷霆五座鑿門戶涼灘尤斗絕餘波尙歆吐橫空折坤軸入坎發機弩滾滾驚狂奔盤盤瘦蛟舞怪石立積鐵穿沸類鳴釜决溜懸蓬牕雲霾暗江浦憶昔游閩南王事日靡盬豈無川梁隔未覺行役苦江潭古人輕窮薄命所主敢謂恃忠信時亦戒莽鹵積悶腸屢回愁多頰慵挂所賴素心人聯舟澹容與險

韻詮競病諧談雜爾汝驚湍條已平微陽照孤嶼

齊召南

字次風號息園天台人乾隆元年 召試博學鴻詞授

檢討官至禮部侍郎有賜硯堂詩

蒲陽山房詩話侍郎賦才敏慧博學多聞自詞林以大考前列即登卿貳入上書房退直歸澄溪園上馬守門兵舉赤捧獲之馬驚墮地傷于胸臂諸盡流皇子聞之亟遣家古醫生往視侵牛取其胃經經包裹早回館舍至半夜乃得蘇又簡以秘藥閱六七月始痊然于平生所讀已不能記憶矣其所著賦皆未能成編惟水道提綱係充一統志館纂修時所撰於源流上下縷析條分使讀者如指諸掌又有寶鑑堂文集八卷則浙江臬使秦君瀛刻之詩亦編爲八卷稿尙藏其家今摘錄如左

午窗坐睡

讀書花滿眼憑几柳生肘不如扶養和一覺齊萬有睡鄉鄰
隣鄉太古相傳久跌坐遊華胥至人或捧手教我持斗杓盡
量飲天酒導我餌丹九天地並老壽形神豈長保金石亦衰

朽葆真傳片言長跪謹當受人嗤畫作夜我似浴去垢醒來
午炊熟疑值邯鄲叟

越城懷古

海內蓬萊是越州畫屏中卧鏡中遊家家接檻連青雀日日
開簾對白鷗蟹舍層懸明月夜菱田標颭夕陽秋我因一曲
思狂客煙水微茫何處求

符曾

字幼魯錢塘人監生乾隆元年薦舉博學鴻詞尋保舉
官至戶部郎中有春鳧小稿

蒲褐山房詩話余初入京時即見春鳧主人時年已六十有餘爲戶部郎常以病
假所居傳家齋令余直入卧內床幃之外書籤畫卷君從香爐列置左右几案無
幾應四時長供名花數盆余笑謂曰入君燕寢已如在斷橋籬落間使人不復憶
西子湖矣其語誠蕭蕭非東華軟香塵土中人所能企也蓋自少與樊榭輩游至
凡同遊故其襟情如此詩亦清絕不免資於
逢福而然物外之致可想見其風韻焉

宿水興寺德公山樓同屬樊榭作

空山行晚雲褐衣濕春雨昏
際人漸希杳靄入深路曲
厠伏潛流叢篠紛交護到寺
僧相迎把火話曩素雨止鐘
亦殘星光出幽樹境異心頓
閒魂清跡偕赴夜窗覓山影
影忽落如霧亂耳百松聲鏘
然奏韶濩清極本無寐有夢
亦同趣至晚重直徧烟華想
流注

雨中舟泊白門

濕雨低颿重冥冥江路遙殘
蘆易蕭瑟孤雁感飄搖秋盡
身仍客舟停晚避潮烟中一
吟眺遠樹見寒條

菊

西風被墊菊踈蕊自離離瘦
影交秋徑寒香山短籬淡能
消世味清復絕人知持此縈
懷抱冰霜與後期

燈夕懷稚威

東華雪霽後，朔月自孤清。
閑閣客初去，下簾苔欲生。
梅花醒宿酒，斜月夢春城。
除却吟兼臥，深懷望遠情。

重過永興寺

向與樊榭看梅，夜宿于此。去年廿八年，來寺亦頗廢焉，之慨然。

尋碑野寺蘚痕斑，祭酒風流杳莫攀。
不見疎梅照寒水，祇餘修竹滿空山。
雲歸初地鐘聲寂，秋散遙天客意閒。
還憶春泉滴幽澗，竹窗深夜聽潺湲。

淮浦贈鴻漸僧，工畫能詩，家吳中。

偶然淮浦寄閒身，卷裏青山與細論。
到寺秋光紛滿眼，繞隄流水自通邨。
師如鴻爪空留跡，我比蛛絲淨掃痕。
他日支硎訪梅去，袖攜香雪叩柴門。

題畫

秋來游興遍天涯山水方滋豈繫家一枕清風住茗雪未妨
留客爲蘋花

遊南湖慧雲寺

昨夜西風減漲痕荒坡流水接城根秋光多上綠荷葉斜日
晚花香寺門

過皂林

蟬唱西風暑漸忘蓬窗客睡試新方夕陽帳影沈秋水一路
菱花送晚涼

感舊

蒼涼無復舊遊蹤踏月聞歌記昔逢今日西風黃葉路獨行
荒寺聽疎鐘

陳 撰

字楞山鄞縣人布衣乾隆元年薦舉博學鴻詞未就有

玉几山房吟卷續錄集

蒲褐山房詩話楞山爲毛西河弟子又工寫生以墨暈之皆不經意者而蕭疎簡遠品格極高亦不苟作故時人寶之余定交用講時年已六十餘矣成削而修髯之若閒鷗野望晴吟咏今所傳吟卷蓋一鱗半爪佳者或不盡是也然苟如二分明月邊頭影十里平山檻外雲雨時茶板伊蒲饌一樹梅花具葉書詩卷白頭悲舊雨燭花紅淚滴秋堂焚香自寫閨中影把卷何須絃上聲饒有晚唐人風韻

歲晚雜述三首

我旅苦瑟居無以與日夕惟有二程子簡過從稱莫逆如何

復分張數月虛接席漫天雲萬重到地雪三尺閉門時相思

開門斷行迹百里尙如此何況千里隔時松門客寓川借柳還宣城

楊子別三月楊求相見出意外握手總片時凡到寓齋即去咫尺阻塵壒

旣無連牀話亦乏斗酒會身踐逆旅難時窮道途億獨有磊

落腸一往尙凌邁今晨命歸楫幡然返蓬艾惟我留天涯寒

廳轉無賴遙思急風帆雪花飛掌大

時既苦鈍悶客亦抱拙遲耳目乏充對胸膈靡妍思淩益花
一叢出自我友貽水仙盆宋庭所貽置之硯席間坐起同燕私衝寒發
妙香虛室來天機不足爲人道吾以絃吾詩

擬古

黃鳥集柔桑白駒逝空谷豈不慕言旋進退悲無告作客每
思人投足多蹉跎已無邱園存十畝何由築白雲時時飛煩
紆亂心曲護草不可樹況此杯中綠

端居生百憂獨步向原野擾擾躬耕子誰可與言者倦翼拂
樹還頽景依林下不見一心人延首淚盈把

撫枕怨遙夜振衣步中林涼月皎素輝照我松間槧佳人不
可覩山川阻遐深願因西飛羽遠致瑤華音雲路無由階引

領傷我襟

天道不可問撫躬良悠悠昔爲公卿子今爲輿隸儔
城獄鼎沈伊水流貴者可復賤賤者將安求何如遊太始冥
心委糟邱

市門競錐刀志士爭懷抱誠使中心安此外均草草貧賤顧
有分簪裾何足道松柏本不凋何知春風好

陽鳥收餘映夕兔升檐光傲然一樽酒醉倚空階旁不知庭
際露泫然濕我裳援柔詞陽和清響激天霜此曲苟可理知
音寧所望

昔聞彭澤老耽醉未能醒折腰恥俗吏歸來卧柴扃茅檐秋
日高朗誦山海經悠然觀物化坐對南山青我行一何有于
世空沉冥遐慕今已矣太息增撫膺

古蕩歸途

日暮東風急歸途雨正繁泥深粘屐重雲濕帶林昏野水喧
漁艇人家掩竹門遙憐折梅處回首更西村

春盡

爲貧常作客春盡未還家故國重回首江城正落花屯雲依
樹斷江柳趁風斜寂寞年時意勞勞空歲華

羈棲

羈棲成我拙躑躅世都忘草樹荒三徑琴書亂一牀苦吟貧
亦好屏跡嬾何妨時復看雲去和烟過石梁

聞蛩

不寐夜聞蛩淒淒四壁空疎燈人醉後細雨客愁中失路依
衰草長吟向暗風壯心殊突兀爲爾感飄蓬

獨酌

日沒秋陰靜閒庭向夕昏
鳥栖無定樹葉落半空村
砧杵誰家急園林幾處存
衰燈寒照客獨酌盡殘尊

新柳次韻

淺拂輕描畫閣前微黃楚楚倍芳妍
春風驛路初橫笛夜雨江城恰禁烟
試看藏鴉還計日憶曾繫馬忽經年
無端觸忤生惆悵豈待吹花賦別筵

漲

木落烟江漲沙崩古樹根
汀洲蘆葦沒繫艇到柴門

莖

疎牕秋氣靜清露濕籬根
細語蜚聲急愁人自掩門

螢

月黑秋林昏映水忽明滅微光聊自照不假因人熱

艇

放艇沿清溪隨風去容與隱隱聞漁歌蘋香不知處

筇

白恰清秋客蒼藤碧玉紋醉扶三徑月吟倚萬峰雲

簞

淨展桃笙滑涼生薤葉秋橫琴山月浸欹枕水雲浮

樵

腰鎌入秋山山秋足烟樹長歌行荷薪踏葉尋歸路

經舊酒家

小市紅鯨憶昔遊短衣側帽劇風流錢郎已去王郎死忍過

樊川舊酒樓

予于庚辰北上同王紫欄使君及歐耆錢郎會飲於此

送工求

天畔離思夢未醒
登臺秋露下殘星
落花吹徧江樓笛
偏在關山獨自聽

朱稻孫

字稼翁秀水人
葵尊之孫貢生
乾隆元年薦舉
博學鴻

詞有六峯閣詩稿

蒲陶山房詩話稼翁少孤其祖撫之漁洋題小長蘆卷所謂樹稼翁孫者是也稼翁以名人之後所至人傾慕之乙亥丙子間年七十游揚州爲蘆花雨邇使上各因出其祖所撰經義考後半未刻者雅雨爲刻其全其後開四庫館詔求遺書得以全帙獻於朝上題詩冠首由是流傳海內蓋可謂能守先澤者矣稼年貧不能支學書享藏書八萬卷漸致散佚而已之所作亦久不傳余與其孫伯承爲鄉試同年又在揚州同寓梅花亭數月故得見其詩張匠門序所云始則氣逸而格上後則境獨而情遙殆不虛也

月夜宿清流關

重關昔設險山勢多男崩
徑小路盤紆有蹇策不得秋月皎

夜光遠近見峯色分明龍眠畫具此大筆力緩步過山坳
襪費攀陟鐘聲雜鈴聲可聽不可卽白露濕我裳一餉林間
息

過張顓三水周林留題

一曲波淪小軒窗四面懸儘能留散客自可酌清泉風定花
枝亞林疎堦影圓撐他湖上去合喚總宜船

酈舫卽景

節未逢寒食傷心已禁烟欲臨求米帖久讀絕交篇樹有新
禽集牀無故客眠淒涼桐竹下卽景淚潸然

賦得十月先開嶺上梅

峰前迴雁北飛時早是東風第一枝小雪乍晴行客路短牆
深護曲江祠青猿上樹休教折翠羽中宵尙未知說與隴頭

人不信除非驛使寄相思

無題和柘南

纔渡銀河會女牛
瞳瞳日上最高樓
人當欲別終難別
曲記無愁果有愁
絕世自應稱北里
憶梅從此下西洲
水邊輪與雙鴻鵠
咬鏡芳塘暖共游

片帆重指莫愁村
好向南塘舊事論
桃葉滿江猶可渡
梨花如雪不開門
隔窗烟冷思秦女
尋夢風颺逐楚魂
欲結同心何處是
空山夜夜叫哀猿

一縷烟銷日未晡
箇人無賴倚窗竚
淺流脉脉終難渡
弱柳依依欲待扶
料得牆東憐宋玉
空教陌上憶羅敷
絲連藕斷渾閒事
對此踟躕計轉迂

已逐鉤車下碧霄
經春蒸地動歸橈
曾隨月底修簫譜
漫向

樽前試舞腰鏡裏獨憐張靜婉道傍最憶董嬌嬈年來已作
傷心樹撩亂長條復短條

東溝

一溝淺水碧灣環紅板橋西柳可攀日暮晴雲趁風去隔江
時露六朝山

七夕詞

最好人間落葉時宵分河曲慰相思不知露冷香風起開到
秋花第幾枝

陳章

字授衣號紱齋錢塘人布衣乾隆元年薦舉博學鴻詞

有孟晉齋集

蒲福山房詩話揚州縣商所萃喜招名士以自重而馬氏秋玉佩今小玲瓏山館
尤爲席間所歸時處雅雨任鍾使又能奔走寒酸於是四方輻輳而浙人尤多如

全謝山祖望陳楞山撰鴈太鴻勳金壽門農圃簞村元藻及授衣弟江皋尤以領袖稱授衣詩上規王韋下則錢郎非戴石屏等江湖小集所可並論也

荷汀納涼

孤遊去塵遠小坐戀烟渚水風能清人何地著炎暑紅蕖媚
明波娟好如靜女冷香灑生衣淒若冒微雨不逢入浦船只
有沙禽語日暮凝碧雲因思涉江侶

西潭夜漁圖

秋潭夜氣澄烟水湛寒綠孤艇淡夷猶蘆灣几幾曲涼月沙
際生亭亭耿如燭知君豈爲魚要令雨意足且莫扣舷歌恐
驚鷗鷺宿

遊攝山

朝艫涉風湍暮策冒松雷攬勝情已快出險心彌泰度澗屢
踏石憇林一解帶微涓注藥叢頽陽麗崦外足跡半吳越

歎此遊最幽篁。孤磬投宿知所在。攜月入荆扉。然燈步香界。愛詢前遊人。夜靜引清話。繩牀養脚力。明欲領其槩。

僧樓坐清曉。雨在西南峯。忽然雲滃合。不見寺外松。殘梅飄

歷歷。澀澗鳴淙淙。天影互明晦。山氣雜春冬。陸子

鍾發

高興

不顧霜冥濛。纓帽曳筇屨。予亦欣相從。名園叩幾處。危磴拾百重。風爐酌乳泉。石窟瞻金容。回頭望來處。但聞岩下鐘。巢禽競歸翼。遊客尋還蹤。帶溼轉蘿陰。門徑煙已封。

夏夜宿環溪

追涼昨有期。還尋舊宿處。雙鵝向客鳴。荷葉門前路。登閣盡殘霞。杳然平楚暮。草響農牧歸。野語籬根度。藤竹多清陰。幽意與心遇。所嗟縛塵勞。經過不獲屢。主人情最殷。埽牀兼治具。風吹林間酌。月照池邊步。夜深倦投席。水軒微滴露。晝暑

氣難歛轉枕輒復寤驚魚靜還躍繁螢飛且住清絕愛荷香
披衣不待曙

早春田家

爲農傍東臯知時卽生理歲酒尙有餘獨酌茅簷底宿雨澹
杏花微風活谿水珍重數日閑作勞自此始

晚步劍池

晝遊夜復至境靜了不同疎星明澗底人語春山空僧扉待
我掩露滴松間風

舟中望縹緲峯

但作孤峯峭不似羣山亘翠影落前灣夕陽峯背暝應是無
行人松花滿風磴

孤泛

寒溪景蕭條清幽復窈窕偶然泛扁舟不必有同調林疎見
山樓岸曲隱漁釣喧寂與曩殊但覺所歷妙密竹已夕陰平
岡尙殘照搖搖興難盡烟際孤鴻叫

行庵坐雨

漠漠雲初合蕭蕭竹作聲雨喧人自寂苔冷地逾清幽鳥忽
雙下疎鐘時一鳴茅檐猶點滴樹杪夕陽明

江上早行

侵朝沙際路麥冷尙裝絲幽鳥初辭樹清江半入煙廻橋藏
釣艇空谷響耕田幾處晨炊絕憂心視稔年

歸舟

負土荒山去蒼茫欲雪天江湖暫歸客兄弟就衰年濁酒孤
鐘話寒更一舸眠薄田如可買送老傍松阡

落日放船好

落日放船好，沿緣出綠荷。低田分水急，高柳得煙多。欲罷當
窗釣，時聞隔浦歌。江湖後歸客，閑詠意如何。

同太鴻話吳興舊遊和韻

春風陳迹已漫漫，爲話蘋香憶碧瀾。四月桑陰門巷綠，半城
谿色市橋寒。老漁舉網銀刀出，少婦繰絲雪繭殘。果有心期
不相負，三間水閣未應難。

悼玉裁

雪涕同興宿草情，月襟水佩憶平生。蛾眉自昔嗟難嫁，牛耳
從今失主盟。俊及清流叨合契，錢郎傑作讓齊名。海山兜率
知難覓，聞道芙蓉別有城。

寄秋涇

亭臯落日惜分攜滿樹桃花鴨鵝啼春色漸歸芳草外行人
應近灞陵西情深留別詩常記路遠相尋夢易迷九曲黃流
如箭激鯉魚可得斷書題

鷗灘

蘆叢鷗所家水淺鳴還浴月夜上春潮飛向前灣宿

雨後泛舟過篠園

谿流凡幾灣荷葉欲無路撐艇到籬門一蟬吟碧樹

夜過吳江

涼波如畫泛輕艫夢醒秋衾月在牕卧聽漁人煙外語白荷
花裏過吳江

篠園水亭

枕簟茶瓜幽興長柳深池館自生涼片雲吹過西陂去一片

荷花無夕陽

程廷祚

字啓生上元人諸生乾隆元年薦舉博學鴻詞有岫雲

閣詩鈔

贈顧進士復初

憲廟昔臨御 恩波覃八極渙汗其大號邱園交束帛維時
承平久 化成邁往昔里巷聞絃歌窮陬務修飭聞 命各
戒裝爭先赴上國儒冠旣峩峩征車復奕奕或懷隨侯珠或
握荆山璧或披蘭茝新或掣滄海碧鳴珮集 丹陛心情接
虹霓就中星斗寒鉅儒出無錫讀書破萬卷性同杜氏癖著
述窮歲年鑽研入無隙宣尼生周季仰窺王迹熄然後作春
秋萬古垂法式筆削見是非義存三代直當時游夏輩欲贊

空太息如何後世人無端奮私臆卽明見國史事實頗能核
傳會雖時有網羅著勞績齊魯多陋儒厥性高與赤鄒夾未
有書莫由問失得三家遂鼎峙左氏仍後植自茲口說勝聖
經嗟晦蝕功令尊胡氏學子徒守墨首先革周正先聖寧蹙
額一褒復一貶譴張令人惑褒貶本所無安用常唧唧忍使
日月光蔽虧重雲黑先生歷然興掃除不遺力百家咸披靡
似用大師克煌煌大事表卷軸日盈積發憤闢闢文塵埃教
蕩滌曲說從此廢禾稼驅螟螣上則考天時賡勸補長歷下
則綜形勢聚米圖疆域僭禮與敗度亂賊豎戎翟事事關大
義臚列各就職載觀交兵篇往來正如織旌旗猶在眼開卷
若憑軾晉楚爭夏盟宋鄭困行役向戎忽弭兵難免司城責
五材民並用戒懼存法則霸統經可變王猷竟永塞人欲日

橫流膽烏更誰適竊取有深意肯令鯁生識君書出雖晚重
到杏壇側鐘磬鏗然鳴清音動四壁憶昔鴻詞徵余亦預末
席客居郊壇西頗愛厥境僻涼風下庭梧朝昏玩義畫冥會
得懸解忽然塵慮釋與君偕罷歸十載卧泉石著書曩未成
今也喜大獲假令留青瑣茲業諒俱寂深荷皇天慈慨然增
感激

翁照

字朗夫號霽堂初名玉行字子靜江陰人乾隆元年薦
舉博學鴻詞十六年以經學徵有賜書堂集

蒲褐山房詩話霽堂少時曾奉教於毛西河太史西河序其詩盛爲推挹常詠裴
衣有風雨一身秋之句從此得名後在浙幕中詩亡失大半今所刊賜書堂集十
之三十四篇其爲時傳者則有一片夕陽連漢苑二分春色在蕪城小樓夜半曉
曉月深院秋一燈青拂河橋風乍轉綠昏江店雨初來春寺煙深聞粥鼓午
晴風暖度陽簾一聲啼鳥破春寂數點落花生暮寒殘月半痕正映曉夕陽一片
洞庭秋開泰梅花愁裏曲池塘芳草夢中詩夾所錄陰垂柳渡滿蓬紅雨落花天

沈叔固集卷六先生年高藤杖方袍須眉朗映其詩風致盎然而神韻清麗

送歸愚沈少宗伯 予告歸里

片帆潞河來相值在涿水知公 予告歸南雲指故里敬讀
御賜詩千丈榮光起載賡洵一德眷注情無已遭逢煥
虞唐進退善終始公歸有程期我老失準軌離筵布南池鳴
蟬綠陰裏無計更挽留去去波如駛但願南風狂維解舟仍
艤

憶昔初識公其歲當壬午兩地合雲龍僑札通縞紵吳門與
暨陽來往互賓主屹屹商古今硜硜訂出處龍躍終升天雲
散難作雨遙遙兩地分間隔寒與暑雲龍今復合情深逾昔
者 叶齒增易驚惕道進無違拒相期同情陰晚節師侃禹
送公歸去來悠悠返荷屋作社赴雞豚約伴同樵牧弭櫂香

水溪采芝硯山麓誰識袞冕儔依然抱黃犢道充輕祿位天
定歸淳朴我將還故林老去愛雲木三十三山間結廬臥空
谷公能復來過江皋路應熟念舊話前程草堂夜同宿

涵秋亭小憩懷師十五南塘

疎林過微雨返照明殘滴獨立野亭中蕭然起寒色澄湖落
雁斜古渡啼鴉寂不見遠歸人楚天淡秋碧

秋雨

旅泊滄江上頻聞楚雨過昏黃低雁陣寒綠漲鷗波氣逼孤
燈暗聲兼落葉多故鄉鰕菜好何日着漁蓑

重過張墨岑別墅

重尋方外侶林壑認依稀一逕入紅葉數峰橫翠微夕陽明
筍笠秋色上荆扉纔到幽棲處逢君采藥歸

將之北河留別

就文禽作對飛一篝燈火久相依耦耕當日言猶在佐讀
計轉非但使我能拋犢袴肯教君更泣牛衣料應不學
蘇家婦金盡歸來也下機

贈沈侍御椒園

展卷光騰五朶霞總由忠愛發精華詩宗杜老推雄抱文泝
昌黎屬大家午夜疎燈焚諫草春風小驛見常花懸知兄弟
聯吟處添得新詩護碧紗

馬曰琯

字秋玉號嶢谷祁門人監生居揚州候補知州乾隆元
年薦舉博學鴻詞有沙河逸老集

晉樹亭坐雨同邵北崖程泚江陳竹町陸茶塢張西

園弟半查分得坐字

入秋已浹旬殘暑氣未挫暑盛猶可逃旱甚真無那今朝北
郭苔欣逢上客破老樹垂千年樛竹搖萬个颯然好雨來晴
風先滿坐一時研席涼幾處農人賀擬作甘澤謠君謂我當
和

爲寄舟上人題天池石壁圖

中吳山水佳天池夙所慕往歲恣行吟曾踏松陰路是時九
月中風葉落如雨上涵明鏡光倒影射寒兔石室千載留高
士幾回住別來踰一紀夢魂屢沿溯寄公湯休流文字契真
悟攜圖出示我一見豁沉痾念往俗慮湔懷新秋色赴惜哉
筋力衰足蹇慚故步持此當卧遊白雲莽回互

五月十二日集篠園

時候黃梅近林亭宿雨晴早荷爭水出晚筍上階生雲影過
橋斷茶聲隔院清可憐城市客無復此閑情

擬復竹西亭和泚江太史

邗溝東畔竹西亭歲歲尋遊感廢興細雨斜廊還有井邗井在禪智寺
夕陽秋寺欲無僧幾時碧玉圍千个依舊紅闌覆兩層收取
江南烟樹色蒼茫祇借一枝藤

甘露寺

斷楚猶存劫火銷祇憑絕頂看金焦我來十月霜風厲紅葉
飄零似六朝

馬曰璐

字佩兮號半槎乾隆元年薦舉博學鴻詞有南齋集

西山擬常徵君建

幽思落巖穴起尋山澗鐘松風導我前石磴希人蹤落日辨
遠樹一片煙濛濛鼠氣花氣合窈窕禽聲通空翠望不極雲
歸知所終况茲波上月璧魄明前峯洲渚暝色至蒲稗浮光
重此時閑眺聽餘清貯心胷

雁足燈歌

炎漢燈檠二十五想見神壇照風雨秀華細錯首山銅未入
歐陽一家譜集古字遺西漢前丹陽裴守搜荒烟摹來雁足
燈銘古檠宮造自黃龍年何如吾家曩所得自昔曾無弋人
弋瓜皮絲活土花鮮蠶尾蠶頭月半蝕銘文緣檠之半故云初疑檠仿蓮
勺形漢通勺檠銘亦錄如月旣認趾同鳬蹠青老眼觀書夜行燭年號依
稀辨竟寧竟寧年間屢却時火續燈傳接芳苾麟鬚難以拂霜蛾
零落蛻膏與鳳髓不將歌舞挂樓頭曲柄須煩黨伯舟皎然

細注輝齋壁浙爾涼風裊素秋墮葉紛紛窗戶裏似有哀鴻
拍秋水炎光銷盡一咨嗟開閣殘螢竹間起

秋霽集看山樓得山字

秋色矜新霽憑闌此解顏雲涼花氣薄天淨鳥行閒喜有三
間屋還添一角山何當諸勝侶吟望不知還

遊冷泉亭

鐘韻一星星幽尋獨此亭山從入寺好泉欲過時聽冷氣怯
春服清輝隱翠屏我來巖下坐刻石記曾經

杭州半山看桃

山光簇簇映明霞燕子低飛掠酒家紅影到溪流不去始知
春水戀桃花

張庚

字浦山號瓜田秀水人監生乾隆元年薦舉博學鴻詞
有強恕齋集

蒲山房詩話浦山丁於山水世多以翰墨稱之不知學問淹博如通鑑綱目釋
紀料繆補註極爲精審古文簡括五七言古體詩頗見古入堂奧丙子丁丑間君
來往廬陵常同樽酒盡讀
所著書故得悉其深造

聽葉亟齋談霍山之勝書此爲尋游之約

結廬南嶽下耳目飽幽勝一雨百泉鳴高秋衆山靜地僻無
澆風居人葆真性聽談未及終吾心已潛泳請爲來歌期再
作誅茅訂

游法慶寺

勝游敢後期况乃秋容好林吹聽方清山氣攬逾顯崇寮敞
閑爽仄徑入窈窕烟簟旣深靚雲闕還高造逸境延冥搜元
情逮幽討淪泉和石髓續裳貯瑤草芳潔良自娛冥微有誰

攷殘陽上遠峰夕霏翳虛僚側見帶蘿人勞心鬱燥燥嘉惠
不我疑逝將信風抱

聽雨

曉夢忽泯漾空庭春雨聲淅瀝集芳樹蕭散侵軒楹迴風時
一過林鳥寂不鳴重門尙未啓虛幌幌已明欹枕豈能寐悵
然生遠情懷勞莫自歇傷舊復多縈大江日東逝亂山杳西
迎客鬢霜雪積故園蕪草平方知衡泌客寧讓安期生

三橋峽

叢峰忽相合蒼翠鬱沉幽入深路逾峻陡壁夾洪流怪石皆
側出奇狀奚以侔懸若列鉞刃竄如攢長矛天府開武庫森
森眩人眸峭磴間危棧升降懷惕憂乍看午景射倏忽嵐陰
稠哀猿啼斷續古木盤蝟蟠奇花媚晚色瘦竹清脩脩於山

歎觀止於險驚絕儔自笑白髮翁有此南荒游

大樹舖山家

連峰翠無際環列如圍屏中有千幅田濼濼畦水平山村倚
崖麓灌木杳葱菁於時罷收穫百室歡盈寧園柑垂早黃圃
韭舒晚青石泉瀉沙淺野花被徑明爭桀羣雞集歸巷黃犢
鳴征夫方倦役對此尤移情酒香試新芻斟酌依前楹夕曛
半隱見浮嵐藹崢嶸微風一相拂秋氣彌以清憶昨曾過宿
風雨昏冥冥今來值霽爽萬象粲自呈栖栖戚祖歲僕僕悵
勞生誰曰夷俗陋計將闢柴荆

倪雲林溪山無盡圖

清閭高人標格奇意趣豈復同凡兒偶然適興寫山水冷冽
疑欲凌人肌想是霞餐却火食不然那得清如斯此卷高尺

長減仞幽溪重複山逶迤枯林一簇山之麓林下深深置兩
屋蓋茅零落牆欲頽屋後蕭疎映叢竹柴門不閉闕無人烟
波迤漾平侵門旁通畧約亦將斷舟楫沉齧洲沙痕崇峰側
嶺絕蹊平侵門旁通畧約亦將斷舟楫沉齧洲沙痕崇峰側
心魂目有所傷手自應豈惟迂癖成性存此卷筆法尤可喜
細觀不與常作似山石居然王右丞樹木全偪營邱李枯淡
雖云是本色神味須知備衆美李君珍惜同隨珠自云得之
酒家胡出坎藉茅非偶爾定是迂翁神與俱

陳黃中

字和叔號東莊吳縣人諸生乾隆元年薦舉博學鴻詞
有東莊遺集

蒲陽山房詩話和叔爲少章先生子後營修訂是其家傳而和叔少時卽留心史
學頗以經訓自負嘗讀將燕藩府晚年歸家病宋史然無如湯養仍迂損仲夏有

明改皆未成書因將宋史紀傳表共收定一百七十卷但以未讀天文歷律故名志尚屬闕如歿後其稿本尚存于吳下藏書家計不多作彭尺木收而刻之未為完本即予所見其在長沙作五言排律六麻一百韻則已失之矣

夜泊黃河口

永夜河聲壯扁舟客思孤山川雄兩戒漕粟擁千艫明月中
流湧歸鴻隔岸呼一生江海意對此獨踟蹰

武昌登樓

行藏落拓漫登樓楚塞山川四望收納納乾坤懷管樂滔滔
江漢憶曹劉五年重到仍爲客此地從來說上游水漲民饑
風景惡未知誰作徙薪謀

胡鳴玉

字廷珮青浦人貢生乾隆元年薦舉博學鴻詞

初夏訪御李

喬木疏籬似畫圖數椽老屋向城隅隔林雨霽鳩呼婦近戶
風輕燕引雛花委藥欄紅欲盡草深蔬圃綠全蕪知君剩有
耶筒酒許我他邊一醉無

君近日
自蜀歸

楊潮觀

字閔度號笠湖金匱人乾隆元年舉人官至瀘州知州

有吟風閣詩鈔

蒲褐山房詩話笠湖性情朗鑒工畫竹詩亦多傑句尤工度曲所著吟風閣傳奇
如諸葛公夜渡瀘江寇萊公思親罷宴諸劇聲情磊落思致纏綿雖高則誠王實
甫無以過也子掄字方叔掄字
永叔皆能詩善駢體著名於時

雨中登劒閣

烟火迷秦塞登臨帶雨來鷹聲盤絕壁虎跡破蒼苔古戍風
雲暗重關劍戟閒時平天失險空憶勒銘才

牛頭山

千盤出劍閣萬仞上牛頭嶺勢雲中見江聲地底流連山風
送雨滿谷樹生秋何處葭城小深藏大壑舟

魏公子無忌

太息夷門市井紛信陵高躅想風雲誠知天下無雙士莫道
當時有回君屠僧監門登上客婦人醇酒畢奇勲可憐未冷
英雄骨動地函闕又出軍

登雅州城樓和觀察杜凝臺韻

千盤轉粟上青雲使節籌量動夜分尙有兵烽通夕照未妨
農耦遍朝曛庾樓嘯起邊城月嚴道春殘故壘雲所喜年豐
堪借箸緩裘亦足張吾軍

負戴千羣鳥道中廟謨豈爲重邊功風雲列陣原無戰枕
席行師偶未通肯使唐蒙輕發卒敢言魏絳且和戎天威

震盪須臾事望氣應知率舞同

城上頻傳叱馭聲

昔嘗兼守雅州

風雅雨倍關情山連相嶺遙飛鞚

江帶平羌近濯纓望裏千戈銷舊壘坐閒鐘鼓報新晴一緘訝許巴人和筆陣空慙細柳營

曹秀先

字冰持號地山新建人乾隆元年進士官至禮部尚書

諡文恪

雄縣舟中

繞城一水白鷺環野色雲容各自閒便當乘槎溯天漢眼中只惜少名山

途中雜詠

古道垂楊雨幾巡披襟剛是晚涼新平生愛讀秋聲賦聽到

蟬吟亦可人

詩傳卷六